


Jekabaara

Boko 136 nan - songo d. 21
1997 SÂN-MARISIKALO



Cikela ceman n'a musoman kunnafonisében

a be bo kalo o kalo

Jamana baarada la BP. 2043 Bamako (Mali)

KOORISENE NI SUMANSENE YE NOGONDAFAFEN YE

DAKUN W

Le 2 : Kalafiliw waati sera.

Le 3 : Koorisene nana balo sorozi
nogoya kooriseneyorow la.

Le 4 : Geleya ni tööröw sababuw
• Kabako sigilen ka jan n'a jolen
ye

Le 5, 6 : Alfa Umar Konare :
dugukolo yuguri nakanmaden

Le 7 : U ko...

• N balemamusow
ni n balemakew, aw ni baara !

Le 8 : Denko.

Le 9 : Benbaliya senna ka teli
mögow kalali ma njogon na.

Le 10 : Poyi

Le 11-12 : Afriki kupuba, Malini
Kodowari : Sege desera Sama
koro.



KALAFILIW WAATI SERA, O YE BEE KA FETA JIRA WAATI YE

KALO LADILIKAN


Silow falen don fan bee koorikoloma la duguw kono. Ode-kanma, kolosili
jonjon ka kan ka k'u la. Walasa ka tasumadon bali. Fen min ye baarasan
nata labenbaaraw ye, olu ka kan ka damine sisani. Ka forow kala ce; ka
sunugunnoögow donni; ka senekemisiw laben; furr.

Nibaaaw kebagaw ka kan ka ke dugumögokalannen bee lajelen kunkoye.

Dawuda M.Dawo


Kalafiliw waati sera

Faso-ñemaa - sugandi w ye donbaw de ye faso ka dijennatige la, ani fasodenw ka dijennatige taabolo la. K'i joyoro fa kalafiliw la, o date faso denjumanya lawale-yaligansanye. Nafaba were b'a la. A b'a to i b'i sagonamogo sigi'ikunna. O kanma, bee lajelen ka kan ka kalafiliw k'i kunko ye. Kerenkerennenya la, cikelaw. Olu hake de ye faso jama fanba n'a barikama ye. O la, a man kan, mogo ka sigi jamana in kunna, min ka baara keta bolodalenwbanbannent'olu ka bonogola kan. Walasa o dun kana ke, wajibi don cikelaw ka caya kalafiliw gundosoninw kono, u dungonamogow sugandili kanma. Ka dugutigiw sugandi u dungo kono; ka depitew sugandi u dungo kono, ka peresidan sugandi u dungo kono. Walasa u dun ka se k'o ke, wajibya saba be kene kan, u bolokoro. O foloyemogoladiriw sugandili ye. O te se ka ke d'oni k'o. U



...Ninan taw dun bera taa bolo jumen kan?

k'uka mogosuganditaw don, k'u baarakebolo don. A filanan y'u ka mogo suganditaw ka baaraketa bolodalenw faamuyali ye. Yali olu banbannen don cikelaw ka bonogola kanwa. Yali cikelaw ka bonogola joyoro ka bon olu la wa? A sabananejamamogokoye. Cikelaw ka mogo suganditaw ka kan ka ke mogow ye minnu be don jama na, ni jama tun b'ula fana. Aka c'a la, ni cikelaw y'u dungonamogow sugandi nin bolow kan, jamana be bo hogo la.



1992 pantuma, kalafiliw tun be sen kan jamana fan-bee fe

Oro, an k'a don ko san o san forokurabola ka nimisa de ka ca n'a ka wasa ye. I b'ika forokoro don, awa i b'o kan nefenw don fana. I ka forokura don, kuma te a kan nefenw ma. Forokurabola ka kan ka ke de n'a y'a soro jigidayorofoyite forokorokan belen. Dine be yoro min na bi, nafa te kufekoke la. O be cogo min na, ñemaa-sugandi fana b'o cogo la. An kan'a ke "an te korolenfeko" gansanye. I be korolen don, i b'a ka baara kecogo don i te kura don sanko a baarakebolo. An kana a ke fana "an te kurafeko" gansan ye. Ni korolen ka baara ma taa an jiminsira fe, an ka kura sugandi. O yere de ye jemufanga nafa ye. Cikelaw man kan cogo si la ka to kofe kalafilikow la. Dine ye soboliken de ye, i be ke sobolilaw fe walima i be ke filelikela gansanw fe. I dun ka ke bolibagaw fe o de nogon te

Tumani Yalam Sidibe

Ala ka hine u la...
Jamana baarada kuntigi n'a baarakelaw bee dusukunkasilen ye Jege, n'a be weele ko Mariyamu Jakite, ka faatuliko men, minjanaja kera ntendend, marisikalo tile 10, san 1997, Mananbugu sele do la Bamako. Taaba in ye u baarakelaw Tumani Yalam Sidibe, Jekabaara sebenjekulukuntigi kanimemuso de ye. Ala ka lahara neemaya a ye.

Jamana baarada kuntigi n'a baarakelaw bee nisongoyalen y'a men ko Bakari Dunbiya, min ye u baarakelaw Umar Bakari Dunbiya fa ye, k'o faatura. U be dugawu ke taabaa ye. Ala ka neema a ye.

Bintu Jalo ko Bice ye dine to!

Karidon, marisikalo tile 9, san 1997, musokoroba do ye dine to. O yere de te bala mogo la, ka d'a kan jobaa bee ye dabaa ye. Nka, min be musokoroba in ni a ka don musokoroba faatulen tow bo hogon ma, o de ye ko ale ye jamanakuntigi woloba ye. O ye kunnandiyaba ye Ala te min da denwolomuso bee kunna. Nka, i n'a fo kunnafonisben "L'Essor" y'a fo cogo min na, Bintu n'a ka jamanakuntigi-wolobaya n'a ta o ta, a ma fili a yere ma don si da kelen. A m'a yere bonya don si da kelen.

Bintu Jalo, Bice, Alfa Umar Konare bamuso, jamana baarada kuntigi n'a baarakelaw bee, ani Jekabaara kalanbagaw bee ka dugawu b'i ye. Ala ka hine i la.

Jamana baarada

Koɔrisenɛ nana balo sɔrɔli nogɔya koɔriseneyɔrɔw la.

Mahamadu Lareya Sise, n'o ye kalanfa ye CMDT nɛmɔgɔsoba la Bamako, ka nininkali ka nɛsin Amadu Kulubali ma, Kumantu cikɛkafodugukolo lakanani-baawar nɛmɔgo.

Jininkali : Kulubalike, kabini san 1973 e ni koɔrisenew de ye baarakɛnɔgon ye, e hakilinan ye jumen ye, n'a fɔra ko koɔrisenɛ bɛ kɔngodon jamana kɔnɔ ?

Jaabi : Ne hakilinan ye koɔrisenɛ nana balo sɔrɔli nogɔya koɔriseneyɔrɔw la. Mun na ?

Koɔri be sene yɔrɔ minnu na, suman sɔrɔli ka nɔgɔ o yɔrɔw la. O kun te dɔwɛre ye, bɛs b'a dɔn ko koɔrisenɛ nana nogɔya don fɔncaman sɔrɔli la ka nɛsin seneke law ma, i n'a fo : tubabunɔgɔw, b i n n a g a s i f u r a w , cikɛminenw, cikɛmisiw, kuma lasurunya la, fənofen ni seneke la mako b'a la k'a ka cikɛ yiriwa. O kera sababu ye ka sɔrɔ yiriwa nafoloko siratɛgɛkan. Osoro




Koɔrisenɛ ye nafo lo baju ye...

yiriwali nana ni koɔriseneyɔrɔw yiriwali ye sira caman kan.

Min ye balo nogɔyalı siratɛgɛ ye, koɔrisenɛna bɛs bennna a kan ko n'i ye fən o fən sene koɔri kofe, o bɛ sabati kosobɛ k'a sababu kɛ tubabunɔgɔ min be don koɔriforo la, n'o ye nogɔfin ye, sanfilanansenebɛnwb'ɔ to sɔrɔ yen. O temenen ko, seneke law be nogɔjuru sɔrɔ ka nɛsin sumansene ma. Nka koɔri be jo n'o musaka ye. Sumanw sene cogo numan walasa, dɔ ka fara u sɔrɔw kan, CMDTy'ofɛɛrew bɛs nejira cikɛlaw la, fo ka taa se kabasi, nɔsi, malosi, sɔsiw laseli ma mangasaw la, minnu sɔrɔka bonkosobɛ. Osumansiw fana la, dɔw ka teli, suman dɔw ka suma, nka u bɛs sɔrɔ ka bon, sabu cikela dɔw ye kaba tɔni wɔɔro sɔrɔ tari kelen na ka ban.

Ni mɔgɔ min ko koɔrisenɛ bɛ kɔngɔ don jamana kɔnɔ, o tigi ka d'a la kokɔriseneyɔrɔw la, suman sɔrɔ duw de ye koɔrɔ sɔrɔba ga nɔnaw ka duw ye.

n'o ye ka cikela dɛme k'a ka san nata kene senɛta boloda koɔri ni sumanw ce, walasa forokoninkana to a dogisara la. N karamogo, em'a dɔn ko koɔri b'a yere musaka ta, ka sumanw musaka ta, ka sɔrɔ yiriwali nɛsigi musaka ta, ka tila ka adamadenya yiriwali musakaw ta wa ? E m'a men cikɛlaw yere da, n'i ye kene min sene koɔri la ninan, a wajibiyalen don i ka senefen were dan o no na min te koɔri ye, ko san o san senefen kelen yɔrɔ kelen na o bɛ dugukolo fanga ban ? E m'a ye CMDT maraw la, BNDA ni demejekulu werew bɛ ka juru don duguw la walasa u bɛ suman san k'a mara, min b'u kisi nɔjulaw ka binkanni ma, sɔŋɔko la, ani ka sini nɛsigi ? E ninena san 1986 kɔ, min kɔnɔ kabakise bɔrɛ kelen sanna dɔrɔmɛ keme ni bi wɔɔro nɛmɛ sugu la, yorobugula kafo la, k'a sababu kɛ kaba sanbaliya ye ? N bɛ segin jaabi kan ko koɔri be sene yɔrɔ o yɔrɔ la, balo fana bɛ sɔrɔ yen wa a ka nɔgɔ fana



... Nka suman baju fana don cikela nana bolo.

sōngoko siratēge kan. O kōrōmasurun ye min ye, n'i yearajo ka kunnafoni lamen min nesinnen don sumanw sōngoko ma, i bē taa a sōro kōriseneyōrow de suman sōngō ka nōgō ni yōrōtow ye, in'a fō Beléko, Fana mara la, Npcsoba Kucala mara la ani yōrō wərew.

Nka bamananw ko "so bē jēnē, sennama fana bē yen" gelyea wərew bē se ka senekelaw bali ka suman caman sōro san dōw la, k'o

sababu ke sanji nacogo ye, walima denmisēn w ka tungafetaa, nka o si sababu te kōrisenē ye. N bē kōrōfō in kuncé ni dubabu ye ka nesin Mali jamana bēs ma "Ala k'an sōn ji nafaman na, sabu ni jinuman nana hali minnu te kōri sēne u bēs bē balo sōro u sigiyōrow la. i ni ce.

Mahamadu Lareya Sise
ka bō Barnakō
CMDT nēmōgōsoba la.

Sisan, duguyiriwatōn w bē u ka fēnninnu jini u ka kēnē naniyalenw kama. Nka ni tilali kera, nōgō, binnagasiura, posoni bēfeeresuguw la, u sōgō jonjon kōrō, kēnē musakaw te dafa.

Karamogōw, sēbenjēnabolaw aw te o ye wa ?

Juruw bē don sariyaw minnuna CMDT mōgōwma, aw te sēbenjēnabolaw ni karamogōw kalan o la wa ?

Ni o ma ke aw te Jekabaara sōro wa ? CMDT mōgōw ani BNDA mōgōw an

bēs ye jamana in den ye, an ye nōgōn dōgō ani kōrōkē, fa ani den. An bēs ka lanini ye jētaa ye, ani jamana ka hērē. Min b'o kōfē, ni mōgō min ko i bē kule, o bē ke, i ta ye i da ye. Mōgō te o bali. O la ka hakili numan di an ma, Ala ka jamana hērē caya, bē k'i niyōrō sōro lafiyala.

Nji Mariko
Kafoyiriwatōn nēmōgō,
Masigi, Fana CMDT

Gelyea ni toorōw sababuw

Ne y'a ye Kibaru bōko caman na, karamogōw ani d u g u y i r i w a t o n w sēbenjēnabolaw bē kuma CMDT kan. U bē senekelaw ka gelyaw ni u ka toorōw sababu ke CMDT walima BNDA ye.

N balimake Kasumu Kuiubali y'a fō cogo min "dō bē ña la, nka dō fana bē a cē la" (Kibaru bōko 299 san 1996.)

I - Nē bē baara ke CMDT la kabini a bē wele ko CFDT. O waati la kōrisenēla tun man ca, kōrisenē fana ma ke ni diyagoya ye walima wajibi. Forotigimintun mana sōn lakōliden ka ladili ma, ka kōri sēne, lakōliden yēre de tun bē o tigi ka kōriforo furakeli bēs ke a waati la, ka bēn ni furaji hake ye. Kōri bē don o du masina kōnō don minna; fosituntē a dow kōnō. Nka bi, oluyemisiwēsōro, ka toliso jo, ka seneke minen dafalen sōro, ka moto san, ka warije bila bankila, ka hijiyēre (yēlema

do kera).

II - O kōfē, CMDT ye balikukanlan yiriwa a ka maraw kōnō ni balikukanlan karamogōw, nikafoyiriwatōn nēmōgōw, sigili ye walasa ka a ka kēta dow latēmē duguyiriwatōn ma. N'o de sababu la mōgō caman bē se ka lēterēw ni kunnafoniw ci yōrō la min ka di i ye, ka jate bō i yēre ye, ani jekulu. (yēlema dōwēre kera).

III - O kōfē, CMDT ka lanini kōnō, kōrisenēlaw ka ton (Sikōwu) nēmōgō fangaso nēmōgōw, ani CMDT nēmōgōw ni dīnēnafolotigiw bē sigi ka nōgōn faamuya kōri ni a donfenw kunkankow, ne hakili la a nōgōn te farafinna bē. (yēlema dōwēre kera)

CFDT waati la fō CMDT waatijan, lakōliden tun bē kōrisi, nōgōw, binnagasi furaw ani posoniw tila senekelaw la, ka bēn u ka kēnē sumalen hake ma. I tun te nōgō ni posoni feereta ye sugukōnō.

Kabako sigilen ka jan n'a jōlen ye !

Kolokani jamana kōnō, kow b'a la ka ke yen haali. A te kalo saba bō fōlō, cikela do tor'a ka forokōnōsēna, a bōra sadennin dō kan. Dōw ko ko bērēwōyē de tun don. Dōw yēre ko ko fōnfōnnin tun don. Sa koni tun don. Cikela in nē su sadennin in kan yōrō min na, a y'a ka daba kōrōta k'a b'a faga. O yōrō de la, sadennin y'i kanto a ma ko : i bolo kana lajigin dē ! Ce birilen tora ten, a bolo kōrōtalén ni daba ye fo ka waati jan ke. A cikēnōgōn dō de y'a lakōlōsi o la sa, k'a jininka ko : Benōgō Benba K. mun de dun kera , A y'o jaabi ko : Aa, cēmōgō, ko bē senna ! O fana y'i magēre, walasa k'a dōn ko min bē senna. O nē su sadennin kan yōrō min na, o ye yēlekunba kelen ke, ka girin k'a bēna sa faga.

Ofana k'a bē bere da sa kun yōrō min na, sa y'i kanto a ma ko : N'i y'a lajigin, i b'a n'a kala jimi ! Ce fila ninnu koronnen jōlen tora ka nōgōn lajē ni daba ni bere ye sanfē sadennin kunna. U tora ten fo wulada fē. Sa nēnawaati selen tuma min na, a y'i kanto ce fila ninnu ma ko : tu moorō, ne tigerā aw la ; ne galonna aw la. Sa taalen, ce dōy'i kanto tōkelen ma ko : nē ko sadennin ye mun fō de ?

Tumani Yalam Sidibe

Alfa Umar Konare

Dugukolo Yuguri nankanmaden

(Tumani Yalam Sidibe ka lase)

An ka kosafé taama sen fe maninkala ni jitumu kono, kumañonya temennan an ni balikukalanden joolendocé, joyoroba bë min na fana a ka duguduguyiriwatón kono. An balimaké in ye Cefaba Kumare de ye. A ye bataki d'anma, min ye hakilijagabo ye, walasa, in'a fo a yere y'a fo cogo min na, a fana k'a bolo tufadennin da Mali jamanaba in jokogo kan. Cefaba ka bataki file : "Ne bë nin hakilinan bataki in seben ani k'a lajensen Mali Jamana fan bëe fe, jekabaara kono. N b'o ke fasoden numanya de kanma, k'a masoro, faso b'i n'a fo misiri kono de : Silame bëe n'a joyorodon. A

bë waati jan bo ne bë ka n hakili jagabo kunnandiya in kan, Ala ma Mali ni jamana caman je min jogon na. O kunnadiya ye dugukolo n'a cikébolow ye. Walasa k'o dankenema aw ñekoró, Ala ye Mali ka yéremahorónya sinsin kabakoba kelen kan min sinsinyoró ye saba ye. Okabakoba té doweréyean ka jamana marabagaw ko. Bamanan na, den sikolo numan bëe bëe wele a fa togo n'a jamu de la. N'an dun ye kòlosili - jateminé k'an ka jamana ñemaaaw bëe la, an b'a soro k'o kelen - kelenna bëe n'a ka kalanso don an bolo. An b'a don ko maa naani de ye jamana in kuntigya k'e yéremahorónya tali ni bi ce. Nka, fangabolo ye saba ye

- folo: oye k'a ta 1960 san na ka n'a bila 1968 san na ;

filanan, o ye k'a ta 1974 san na, ka n'a bila 1991 san na ; sabanan, o ye k'a ta 1992 san na fo bi


- fen min ye waati lankolo fila ye, (1968 - 1974 / 1991 1992), olu latemenna furancefanga kono. Furancefanga filanan de ñemaa kera Amadu Tumani Ture ye. O hakilidayelé - pereperelatigew kelen kofé, an bë temen n'an kuntilennan ye.

Ankojamanakuntigikéra naani ye ka bi an ka yéremahorónya tadon fo ka


na se bi ma. U file (u n'u faw togo) :

1. Daba ka Modibo Keyita
2. Kaba ka Musa Trawele
3. Tumani ka Amadu Ture
4. Dugukolo ka Alfa Umar Konare.

Ala m'a ke gansan Modibo ka ke Mali jamana kuntigi folo ye. "Ko te ko bëe la, nka ko si fana lankolon te". An ka jamana in ka ñesoró bë dugukolo de la. Awa dugukolo fana te fosi ne adamaden ma daba ko. O yere de kanma, i b'a men tuma bëe ko "dabanjana", i t'amentumasiko "dugukolo - ñana". Modibo kéra taamaseere de ye Ala fe ka "Daba" nafa n'a barika jira an na faso in ka bongola la. Ale y'a ka waati ke, barisa o cikan folo faamuna Mali ce n'a muso bëe fe. O yere de kanma, Modibo Keyita ka fanga ye cikélaw ka labenkuluw bëe lawaleyali-siraw ñemini (dugutónw ; desantalarizason ; cikélaw lakahansirawfur...). Modibo ka waati nana bala ka senkoromace Musafanga fe. O fana ma ke gansan. I n'a fo bamanan ntaalenbaw b'a fo cogo min : "kaba ye sumankoró - suman de ye. Ale ma ka di suman lakikaw makonwaatiw dela. Akene bë jeni ka ñimi, nka baara kologirin te k'a la bamananna. Oyere de kanma, a bë fo ko : sajo ni keninge tigi bë



mun ñini ni kaba ye sarakaboyoro la, ni yerejira te"! Musa tun sugandira Ala fe de ka na waati do latemén n bë - n diya, la malidenw kunna. O yere de kanma, a ye jamana ka nafasoroda baarikama bëe k'a sago ye (a n'a ka denbaya) san 23 in kono. Ale ta kéra "n nana fen camansorón ñeyé, awante taa ka fen kelen to n kó!" Kaba denke jiginna malidenw kan ni fanga ye 1968 san nowanburukalo tile 19, awa a daga bora malidenw kan ni balawu ye 1991 san marisikalo tile 26. A ka fanga waati bëe kera "kotaa" birifini birili ye malidenw kan. cikela fara baara suguya wëre tòw bëe kebagaw-kan, Musa ka



waatitunkera bëe ma "kunu ka fisa bi ye" ye. A ka "UDPM" ko yëre nali kera bëgobaara to rödönni ye. Jamanadenw tilara kulu fila ye (dugubakonona fara togoda kan). Ibe UDPM na, ibejate; ite UDPM na, wulu kafisa n'i ye. Musa ka waati labanw kera "kabañejenço" dan ye malidenw bolo. A mugutemugan, aw'añejen te se ka mako wëre ne seri gansan kô.

Lanogokojugunijigilatige de kera sababu ye ka maliden bëe lajelen wuli ka jo 1980 san waatiw la walasa ka Musa Trawele ka gerentefangakele. Tine don, ni caman bonera o senfènka ko labannä fasodenw ta la. 1991 san marisikalo tile 26, Mali faso jama n'a ka sordasi fasokanuntiye garan ke Musa n'a ka fanga la. O kera sababu ye ka "kamalen" wëretogobila fiñca ani Mali jamana tarikugafe kono. Oyeyetinan Koloneli Amadu Tumani Tureye. Alenacogoni Musa

Trawele nacogo bëe ye kelen yesira fila fe. Nka ubë bo nogon ma sira kelen fe. Karabafangamine de nana n'u fila bëe ye fanga la, awa u bëe ye lahidu ta faso jama ye u nawaati, k'u nakun ye kow labenni de ye fanga kunna kalo danmadonin kono. Musa ka kalo danmadonin kera san 23 ye, Amadu Tumani ta danna kalo 14 ma ! O b'a jira ko Tumani denke ye "tumanin" min lahidu ta faso jama ye, k'a y'o bo-a sirafe. Awa faso y'o lakodon a ye, barisa 1992 san Zuwenkalo tile 8, ale ye fanga latemén peresidankura ma waati min, odon kelen bëe, ofana y'a ka jala sankorota, faso tøgo la, k'a ke Zenerali ye. Awa, halibi, ale de ye sordasi jalatigiba ye. Mal Zeneraliw cero !

Fanga b'i n'a fo baji de, n'a m'a wuliyoro bali, a t'a taayorjé abada ! Kuntilenna de bëe fanga la. O ye Ala yëre ka latige de ye. Mali kono yan, a damine "daba" bolofe, ka temen "kaba" bolofe, hali n'a ye "tumanin" ke taayorontanya la, a tun te se ka taa yoro wëre "dugukolo" kanfènço.

O de kanma Dugukolo Konare denke Alfa kera 1992 san kalafiliw nekun tabaga ye. A dun fana m'a nitulon mine. O tine be kene kan. San duuru kono, Mai Jamana tonkun naani bëe kera baaradabaw ye. Ni sirabat ka dilanyorominnuna (i na' fo Bamako dugu kono; Segusira; Motisira...) ib'a sordafalabaw bëe kalaßen yen (Ofisi maraw kono),

walima iziniw bëe ka röben (senekeminen dilanyoro ; moto dilanyoro...) Sanduuru kono, Mali faso jama ye danaya kura soro a yere la. I kera forobabaarakela ye wo ; i kera kenyereye ye wo ; senekelaw ni monnikelaw, bololabaarakela ni jagokelaw fo ka se baaramisenninw bëe kebagaw ma, bëe lajelen ye kunnawolo soro malidenya la. Ko bëe kera senekanko ye awa, faso jama kulu kelen-kelen bëe kunko nénabokènenw sigira sen kan. Kerènkerènnye la, senekelaw ni monnikelaw ta sigira sine fila. Folo kera Bamako 1992 san na, filanan kera Segu 1996 san na faso jama ka kunnafoni jelen soro li kanma, kenyereye arajoso 40 dayéléla Mali fan bëe fe. Awa, u b'u sago fo, k'u sago ke. A dòw yere b'u ka josira lakodonnin o lawaleya danmateménwale kono. Fen min ye kunnafoni sebenw ye (faso hake ani maraw hake) olu ka ca bi haali. Yebalisébenyere kera ocamanjamuye. Faso jama ka kananisirategéla, kobëe kera walasa k'olasinsin. Bi, malidenw bëe taama ka taa bo nogonna Mali fan bëe fe. Awa, sigidaw kono, bëe b'da ani ka wuli yere sago la. Antogoda-konombogowyere hakili sigilen bëe bi kosebë. Ni mögo ka kan ka waso ni Alfafanga ye, tine yere la, anw senekelaw don. Ka bi Alfa nana, nogoya donna anw togolako bëe la. Awa, Alfa de kera peresidan folo ye min ka taama y'a lase hali togodaw kono, ka t'i sigi



anw ka débenbaw n'anw ka galabaw kan, ka masala anw fe anw ka gelyakow kan. Dòw bë se k'a fok'o bëe n'a ta, gelyaw ma ban senekelaw kan. Olu bë se ka jate mögo hakilidogonw fe, barisa ka banabagato ka bana nini k'a sidon, o yere de ye keneya damine ye. Mögo min taara bëe banabagato la, ka dugawu k'a ye, k'a ladon ani k'a fo ko: n be feere nini i ka bana na, cogodi oni maa gansan wëre bë se ka ke kelen ye, min yere m'a send'a kun k'a segeré ? An ka hasidiya gansandabila, ka bëe joyoro lakodón a ye. An k'a don ko Alfa nana malienw bëe ye, ko nka, bolofa kera anw senekelaw ta kan a bolo. An k'o lakodon a ye. O de Kafisa.

Nin jemukan in bora
Cefaba Kumare de yoro
Welesebugu mara la.
1997 san marisikalo tile 6.

1997 san - Marisikalo

Kalafili nataw kunkankow

I n'a fo an y'a kalan Jekabaara ka feburuyekalo boko kono cogo min, depitesugandi kalafiliw minnu tun bolodalen be ka ben marisikalo tile 9 n'a tile 23 ma, olubor'u dögökörök' u boloda kokura, ka ben awirilikalo tile 13 n'a tile 27 ma. O boloda kokura in sun bora depiteblonba cili de la, min kera jamana nemaa fe marisikalo tile 3, san 1997.

O b'a jira ko jamana nemaa ye depitew ka baara laban teliya la, ka kon a banwaati ne. O ye jamana nemaa ka keta yamaruyalen ye. Mali sariyasunba b'a lakodon a ye a ka depiteblonba ci. Ni depiteblonba dun cira, depitesugandi kalafiliw wajibiyalen be ka ke cili in kofe tile 21 kono (a dögoyalen) walima a tile 40 (a cayalen). O waati ka kan

ka matarafa, honte sariya sunba taabolo be soso.

Depiteblonba cili ye jamana nemaa yeredanma hakinanko de ye. Nka, ka ben sariya taaboloma, ab'a da minisiri nemaa ni depiteblonkuntigitulonkan. Jamana nemaa wajibiyalen tek'uka jaabiw jate. Jamana nemaa be se ka depiteblon ci walasa ka furancewaatiw bali. Barisa kalafiliw waatiw

la, depitew haminanko y'u ka wotejama ninini de ye, o be se k'u bila fili caman sira kan.

Fen min ye Seni (CENI) ye, o b'a seko la a ka bolofaraw sigili la maraw kono, ani wotesebenw nənaboli, walasa ka se ka kalafiliw laben u bolodawaati kuraw kono.

Idirisa Senu

U ko...

U ko ... 1992 san na
Faso joli ye fasoden bee lajelen de kunko ye. O kanma anw taabolo ye jamako ye.

**Alfa Umar Konare
ADEMA politikiton**

Jamana in ka nafa be mogomin bolo, Ala de b'o don. A kera ne ye wo, a kera mogowere ye wo, jamana in ka nafa be mogomin bolo Ala k'a d'o ma.

**Metiri Muntaga Tali
"CNID" Senidi politikiton**

Denmisew ye denmisew ye. U ka sinijesigi b'u nef. Ne ka sinijesigi be n ko fe. Denmisew te bali u ka denmisenyakoke la. Nka u ka kan ka hakili soro... k'u joyoro fa.

**Alimami Sila
RDP politikiton**


Jamana marala maa kalannenw de bolo ka bi a ka "endependan" tasani fo bi. Awa a ka geleya bee ju be maa kalannenw de la. A ka kan bi, jamanadenw k'u ka danaya da maa kalanbaliw kan.

**Maribaturu Jabi
PUDP politikiton**

Maa faato walima karato de b'a bolo labo jamana in kuntigya nofe.

**Yetinan koloneli
Amadu Tumani Ture
"CTSP" nemaa.**

N balemamusow ni n balemakew, aw ni baara !



Ce be yoro min na kalafilikow la, muso fana be yen.

Ne b'a fe ka n hakilinanta yira aw la musow ka konseyeya kan. N be a nin aw fe aw fana ka n jaabi walasa an be kuma falen falenanni nəgōnce. Omana ke, faamuyali be soro.

Ne bolo, a kera duguba konona ye wo, a kera dugu misennin konona ye wo musow be se ka konseyeya baara ke fo ka ne.

Fen o fen be mogolafiya ka sigida la, a kera siyoro ye wo, a kera kene ya taasira

ye wo, a kera saniyaliko ye wo, a kera banaw kumbenni ye wo, nin bee ye konseyew ka baara dow ye. Wa a bee nənebo konuman feere be musow kono, ubesea baara kecogo numan fana la.

N'an ye dugu misennin ta sisan :

- musow de be taa ji nin tuma dow la fo yoro jan, walasa tobili ka ke ; walasa dudenw'uko ; walasa finiw ka ko. Olu n'u nəgōnna caman. Nikolónba senkuma

fōra, musow de bē se kō jagalatige.

- musow de bē sēgen demisenniñw ka banako la, ani u yērew ka kōnomaya-bana ni u jiginiyorokola. Ni musojiginsi ni dōkōtōrōsō jōyōrokō kuma bē fō, musow de bē se kō jagalatige.

Den ! Fen numanin sōrō goman. Ni muso min m'a sōrō, o bē denntanya kasi; Ni muso min y'a sōrō, o b'i waso n'a ye. Nka den te wasofen ye. Denko bē kun dela. Sanutigiya te den sōrō. Waritigiya te den sōrō. Faamaya te den sōrō. Nafolotigiya te den sōrō. Wa baanaya yere te den sōrō. Ni Fentigiya walima seetigiya tun be den sōrō, dōw tun be se ka denbugu jo. O de y'a to, kumadōnnaw ko den ma "fen numanin sōrō goman".

Ah fe farafinna, den ye fenba de ye. Den de bē hadamadenko sabati. Den de bē furubanba, k'a sabati. Den de bē furumuso hakili sigi, ka sigi diya a bolo. den de bē du jo, ka balimayaw kala, ka teriyaw sinsin, ka sigidaw diya. Den ka di bē ye hali dantarfenw. Bawo den de bē bangebaa fila ko sabati, k'a jiidi.

Ni Ala ye muso min son den na, a y'i son fenba la. N'a yemuso min jendenna, a y'i jen fenba la. Mun ye farafinna diya ? Farafinna, an ka hadamadenya taabolo kōnōna na, den te a wolobaga ta ye. Ni den sōrōla, bē ta don. Nka den ladonni ye bangebaaw de kabaa yekerenkerenneya la. A ka ko caman de dulonnen don olu la k'a ta a wolodon fo ka se a ka maakorōbaya ma. Nka nin

-musow de bētaa sitōmō, ka na, ka kōlōtulubo, k'o do ke u ka na la, k'a tōfeere, ka ke a musakaw ye ; musow de bē nere den bō a sun na, k'a cōgori, k'a mugu dō ke dumuni ye, ka dō feere ; ka nerekolo ke sunbala ye. O fana dō bē ke u ka na la, dō

bē feere k'o wari ke u musakaw ye.

Sisun, ni neresun, ni yiri nafama wēre minnu bē kungōkōnō, n'olulakanaliko kuma bē fō, musow de bē olu nedōn ni bē ye.

Ninnuyemisalidamadōw ye musow ka kōnseyeya

baara kan dugumisenniñw kōnō. Sijé wēre, n bēna damado fō aw ye musow ka kōnseyeya baara kan dugubaw kōnō.

Aw k'an ben tuma wēre

Taa Sakiliba
Sikoroni Bamako

Denko

baara in gelenman de bē bangebaga musoman kan, n'o ye denba ye. Kerenkerennenya la, ale de bē den kōnta, ka n'a wolo, ka sin di a ma. k'a balo, k'a tōpotō, k'a furukē n'a banana, k'a kōlōsi a yere n'a lamini tōrow ma, fo ka t'a bō a yere la, ka numan dōn ka bō juguman na. Nin bē ye waleyaw ye minnu bē muso jōyōro bonya jira denladonni na, ka taa se denladamuni siratigew ma.

Den ladonni.

Kalanbagaw y'a jira ko den ladonni bē damine kabini a b'a ba dēbe la. Oye muso ka yereladamu ni yerekōlōsi ye kōnōmaya kuntaala kōnō, ka se a ka yeremasōrō ma, n'o ye den wololi ye.

Ni den bōra fīne na ka ban, a yeko numan, a ka balo, a ka barika sōrō, fo denba numan. Denba numan ye mun ye ? Muso min yekodōn, ka faamuyaw sōrō, ka se u kēcogo numan na.

Ninbaarawhukumukōnō, an nisondiyalen bē bi kōsēbē, k'a kōlōsi ko faamuya caman sōrōla an ka togodaw musow fē. Oye yeləmaba don u ka denladoncogo la kōsēbē.

A fōlo, an ka sigidaw la,

bangabaawtunkōnōgō te fosi tīne den ye. O la, denbatigw tun te denw tanga fen caman ma, fo kā taa se denmisēn yere ka taa ocogoya faamuya uyere ma. Faamuyabaliya o tun y'a ke denw tun bē san naani, duuru hali wooro ma, ka sōrō u ma fini donni matarafa. Caman lankolon bē yaala dugu kōnō ; u nōgōlen, finit'ukanna, kulusi te dōw la, sanbara te don u senw na. U kuru fin bilalen don fīne na, ani tile ni nēnē sumalen na. Bangebagaw tun ma u yere jōyōroba ye denlakanacogowla. Olutun ko Ala de bē den tanga. O ye tīne ye. Nka, Ala ye den kalifa a bangebagaw de la, a n'a kunkow bēs lajēlen. Ala m'a fōko mōgo si kana a den ko, a kana a den balo konuman, a kana a furake, a kana a kōlōsi. Nin baaraw bēs bē Ala ka lakannani kōnō, k'a sababu don bangebaaw la. Anw musow ka kan k'a don kō nin baara in kelen-kelen kēcogo numan de bē den bō a yere la joona, ka denbatigw lafia fana. A si man kan ka ke bolokōfēko ye, bawo den ka nagasili a ka denya kōnō, k'a balika bō a yere la joona, o bē sōrō denbanaw fē, minnu te temen u kan, fo

denbatigw ka kōlōsili ani u ka timinandiya barisa den ka tōcō ye bangebaw de ka tōcō ye.

Niny'a fōko bi an balima togodala musow ye faamuya caman sōrō denko la, o ma fō gānsan. Bamananwko, "mōgo bē se ka fen bēs dun ka dunan to, fo kōlōsili". Baarada minnu sigira ka je ka baara ke nōgōn fē, ka nēsin an ka togodaw ka bōnogōla ma, u nō yera. Yeləmaba donna an ka togodala mōgōwka hadamadenya taasira caman na. Munumunusaalow senfē, a kōlōsira ka ye ko saniya donna an ka togoda fanba kōnō an'u laminiw. Musow y'u jōyōro fa kēnēya sabati siraw la duw kōnō, sow, kōlōndaw, sutura yōrōw, tobiliyōrōw a n'a nōgōnnaw, fo ka taa se denmisēn ladoncogo n'u ladamucogo ma.

Bi, an balima togodala musow b'u den ko ka je, ka fini jēlenw don u kan na, ka sanbaraw don u sen na tuma bēs. denbatigw bē jatemine ke hali waatiw kan denw ka fērabo la : nēnē waati, funteni waati ani samiye waati. Cew fana y'u jōyōro fa, ka jiginisow ni kalansow jo sigidaw la, ka tinminemusokōrōw ni muso denmisēn yamaruya ka kalanw kē, ka nēsin kēnēya ni nētaa sabatili ma duguw

kono. Okera hereba ye, min ye nogoya don dugumogow kunkow la. Tinminemusokorow be musow lajigin saniya kono, saniya kalandenw be furakesuw kolosi, ka furaw feere dugu kono ani ka banamisenninw furake, i n'a fo joliw, nedimi, tulodimi, mura, sogosogo, farigan misenninw, konoboli, kunkolodimi, o n'a nogon-naw. Nin muso kalannenw be baroninw ke ni musokonomaani denbatigiw ye, daw be sebeni ke olu senfe, o ye togosebenw ye ka nesin denw ka wo'oshebenko ma, furasan-sebenanifurafeeresebenw, ka taa se dugu ka nafasorosira wrew sebenw ma. Nin baaraw y'a to musow ye lafiyiba soro bi ka ta konomaya, jiginni, denbatigiya, peseli, ka taa se denko kunnafoni caman ma minnu tun b'u degun kosebe.

Tarawele Kaja Sise

An bee ka je ka wote, ka kalafili ke netaa ni yiriwa ani fasobaara politikiton ka mogowy. ADEMA ye netaa ni yiriwa ani fasobaara ton ye. O tine bangera a ka sanduuru folo kono jamana kojenabedaw la. Baaraba minnu lawaleyara o sanduuru folo kono, o ye faso ka netaa fitne menen; awa an k'an ka danaya rokuraya ADEMA ka nemaa sugandilenwkan, sanduuru were kanma, n'o kera an ka bongola be sabati.

Benbaliya senna ka telimogow kalali ma nogon na

A te fo gansan ko benbaliya manji, ko ni ben ma fen min dilan, benbaliya to dilan; ko benbaliyas labanyetomoye; ko ben de be karatabugu meen si la; ko ben de be sigi diya; ko benbaliya senna ka telimogow kalali ma nogon na. O b'a jira ko benbaliya sen kan be ben fen fen ma, o ye farali ye. Benbaliya be farali ke ka ne, f'a be baganw fara kuma te Adamadenw ma.

Ni benbaliya donna baganw ni nogon ce, i ko sow, faliw, misiw, sagaw, baw, wuluw, jakumaw, ani sew n'u nogon-naw, ni bagantigi m'u bo nogon kan, a be ke tijeni ye, bawo, n'u ma nogon jogin, u be nogon faga. N'a donna adamadenw ni nogon ce, a be k'o joginnikelenn'ofagali kelen fana de ye. Nka, adamadenwbe se ka fen wrew ke nogon na baganw te se ka minnu ke nogon na. O ye juguya, mangoya, nengoya ani nejinini ye, fo ka se nagasili ma.

Benbaliya ye dusutineko de ye, min be mogow kodon nogon ma, f'u ne te da nogon kan, sanko ka je ko ma. U te kan kelen fo. U te don da kelen fe, u te bo da kelen fe. U te nogon togoduman fo. U be nogon kromatige; ka nogon dakorobo; ka nogon korofo; ka nogon lagosi; ka nogon mako sa. Ni mogow bennen te, o be don hali u kumacogo la nogon fe. A be don u ka waleketa la nogon

na. U ka kow yecogo n'a faamuyacogo te kelen ye. U ka fotaw n'u ka ketaw te kun nogon na. Ni fen min ka di do ye o be goya do ye. Do be nagali ni kojugu kera do la, hali n'o kera saya ye, bawo benbaliya be mogow denw, u musow, u balimaw, u baarakelugonw n'u jenogonw negebo nogon na, ka soro olu t'a sababu ye.

Benbaliya doncogoka ca mogow ni nogon ce. A sababu do ye jolimangoya ye. Mogoo yecogo doron b'a ko goya do ye, f'o tigi b'a fo k'ale n'a tena se ka ben, ka soro utelugon donyere. Hali n'i y'o tigi karaba, mogoo min jelaye m'a kun mine k'a nimisi wasa, a n'o te ben cogo sila. Benbaliya sababu dofana ye jokojuguya ye. Ni jokojugu daw be mogoo la, i n'i nogon-naw doron de be se ka ben. N'o te, mogosebe ni sonyalikela, nkalontigela, nafigi, nengo, nanbarato, janfanciani yeredonbalisite se ka ben, sanko ka je ko ma. Bee tigelen b'olu la. Ni benbaliya donna mogow ni nogon ce tigelenogonna siratige la, olu kodoncogo be juguya nogon na kosebe. Olu daw yere te nogon togo fo. Daw be sigiyoro bila a koson, wali baarayoro. Daw be sin ka dugu yere bila sije kelen. A sababu dawere ye fisamanciya ye. Ce musocamantigi daw ka ko daw be benbaliya don u muso daw ni nogon ce. Olu be soro ka nogon wayibali ni

nogon keleli banbaliw damine, f'a daw laban be ke furusa ye. Bangebaga daw fana ka ko daw be benbaliya don u den daw ni nogon ce. N'olu krobayara o sira kan u te ben cogo si la. A daw be nogon juguya, i b'a fo k'u masin kelen min. Baarakuntigi daw, wali dugutigi daw, a ni fangatigi daw yere be benbaliya don mogow ni nogon ce. Politikimogo ta ka jugu n'a bee ye.

Benbaliya be farali, magosa, lajaba, anikasaara suguya bee lase mogow maduw kono, ani baarayorow ni yoro wrew la dugu kono. Benbaliya ye polotikimogow fara ka caya, fo farali kera pariti daw mogoo daw ka politiki ye. A do bora a ka pariti folo la, k'a yere togo pariti dilan, ka tila ka b'o pariti fana la, ka taa don pariti were la, k'o bee ye benbaliya ye. Obasigibaliya ye fen min lase ale ma paritiko la, o kera krobayara ye. Ola, a be se ka fo ko benbaliya de ye basigibaliya lase a ma; ko basigibaliya fana ye krobayara lase a ma, n'o ye maalankolonya ye. O benbaliya kelen koson, dugu minnu konomogow ma se ka ben u ka dugutigi sigiliko la, o ka ca kosebe. A ko be senna yoro daw la kabini tumajan. A be san duuru bo yoro daw la. A ka ca n'o ye yoro daw la. Aye mogow fara yoro daw la, k'u kodon nogon na, fo ka se fagali, joginni, a

ni dugubila ma. Denmisennamogo cemanw n'a musomanw bëe siranna, ka boli, kaa tungala, ka dugu nagaminen dòw to maakorobaw bolo, n'olu de ye bënbalia tasuma dàdonbaga ye. O dugu nagaminenw bëe ka surun tomoya la sisan, bawo, sigi géléyali bëe ka sòrokow nagasi don o don ka t'a fe.

Bënbalia siratige la, mogo be nögön sòro, ka fere nögön ma cogo minnu na, olu te fo ka ban. A kunw n'a misaliw ka ca kojugu. O hukumu kono, ce dë y'a

sigijögöndoka maloforo bëe jeni ka ban Mòti dugu dë kono, ko diinéko bënbalia b'u ni nögön ce. N'a fôra ko diinéko kanma, mögöw ka nögön mako sa, jahadi bë wuli jamana kono. N'a fôra fana ko bënbalia funteni juguyalen kono, jënögöñw, baaraké nögönw, a ni balimamaw n'u nögönnaw ka nögön jenini jamana-denw bëe ke lujuratö ye. O b'i n'a fo balimama fila minnu ye nögön lajaba Kita dugu kono, fadenya barika bonyako jugu kosoñ. U y'u ta ke nögön jenini ye, f'u ka

dabaliwyenögönsoro. Kòròke je fiyenna, k'a sen fila n'a bolo fila bëe faga. Dogöké je fiyenna, k'o sen fila funu, k'o bolo fila faga. U fila bëe lujuratö sara. A b'i n'a fo sinamusoma fila minnu fana ye nögön mako sa Bamako, Bagadaji kin kono, keleya bënbalia barika bonyako jugu kosoñ. Muso min fôlôla k'a sinamusoka kamalenko nafigiya k'u ce ye, o togo ye Kaja. Sinamuso togo ye Mamu. Ce yëre togo ye Dawuda. O Dawuda kelen ka Mamu nininka o kamalenko la, Mamu ko k'a

të kuma fo ni ce y'a ka nafigi togo f'a ye. Ce ma se k'a ka nafigi togo fo o don. Nka, taalen jefé, a ye Ala miné k'a fo Mamuyek'osinamuso kaja de y'a fo. O yorò bëe la, Mamu fana ye kaja ka kamalenko fo. Ce jigi tigera. Ay'ufila bëe lasigik'ulamen. A dara a ko la tuma min na, a sòrola k'u fila bëe furusa.

Nin misali damadow b'a jira ko bënbalia ye tasuma de ye, n'a donna mögöw ni nögön ce, a b'u cekow jeni, i k'a be binjala jeni cogo min na kungo kono.

Amadu GÀN Kante

SEKO NI DÖNKO KENE

POYI

Ne yerekun

Ni n ko n yerekun
N bu ani n sogo ko te ;
N sème ani n kolow ko te ;
N farikolo yere ko te sankon bolofénw.
Ni n ko n yerekun,
N kan bëe n naniya ni n diins de ma.
K'olu fara n ka ketaw ni fotaw la,
N ka mentaw ni yetaw jukòro.
Ko dijé te toso ye, tine don,
Sabu ni mögö min ma don do su to to,
I n'a tile to to.
Ko lahara te taayorò ye, nkalon don,
Sabu, an bëe laban ye lahara de ye.
Mogö si te dume. Mogö te ke si ye fana.
O la sa ne ye min kanu n yerekun
kanma,
O ye ka:
- jogonumanya fini siri ni naniya
numanya jurukise ye
- ka tilennenya sira ta ni hiné dusu ye.
Ne Burama Sidibe ka "su to" walima
"tile to" sira don mana se, o k'a soro ne
saniyara n yerekun na.
Nsalaahu !

Burama Sidibe
CAR Sirakorola - Kulikorò

POYI

Bamanankan

Danbe kan, faso kan, Mali kan
Sure te kan min na ;
Tana te ka min na ;
Géleya te kan min na ;
Min b'a fo, o y'a sidon
Min b'a fo k'a kalan, o y'a kanu
Min b'a fo, k'a kalan, k'a sèben
O y'a labalobaga ye.
Min b'a fo, k'a kalan, k'a sèben
Fo ka ninini k'a la, o y'a sinsinbaga do
ye.
O sementiyalan do file nin ye
Namina naame-nimi-naame,
Ani a naman-nimi-naame,
N'a nama-nimi-naame de bëe Namina
Naame n'oni numan dumu ni nana
ye nögönfe.
Nanunana dilanbaga ye nana ye,
Nanaya ani nanamunjanamuya te
Sanganögöñma ye.
Nana naniya ka ni; nana nénajelen bë,
a némajelen bë,
A mana naniya numan min siri,

A b'o nana nana ke, fo ka jo dumun
A numan bëe wasa
I ko ngalakolo bëe sénékela
Numan naniya sidon saminé waati
gelen dòw la cogo min na.
Naniya numanya ka kan ka
Néjira néganbagato bëe la.
O mana ke konuman, juguya
Bë silatunu dcoñin-dcoñin.



Burama Sidibe
CAR kuntigi, Sirakorola

Afriki kupuba Mali ni Kodowari : Sege desera Sama koro

1998 san Afriki kupuba nebila ntolatanw tile sabanan nənajew hukumu kono, Mali samatasęę cedenw desera Kodowari jamana ntolatanton "Sama" cedenw na anyerewfənyan. Kuru 2 ni kelen.

Yanni feburuyekalo tile 23 don nəgənkunben in ka ke Malintolatankanubagaw bęe tun jigi be samatasęę cedenw ka se kan k'a dəlaben kelenw kologirinya kan. Afriki kupuba təmənnənw nənajew senfə, samatasęę cedenw tunma delika Kodowari cedenw bin fəlo. O koson, ninan nəgənkunben in tun bilara ta-juru-sara ni lada-wuli miñen kono. Wele bilara an ka ntolatanna waane Pate Jalo, Basala Ture, Abdulayi Keyita ni Beliziki jamana kono ceden fila ma, walasa ka lada-wuli naniya in waleyā.

Nəgənkunben don, samatasęę cedenw senkərəmadonjamakra ka peresidan Modibo Keyita togola ntolatan fere kənona fatewu. Bamakon'a laminiw bələn kənona bęe lankolonyara, bawo minnu ma ntolatañkene lasor, oul bęe taara u fin jabaraninw dala.

"Sebagaya soroli labenw kera a nəma, nka don bęe n'a ka tine don". Samatasęę cedenw degelibaga Mamadu Keyita ko ten. Feburuyekalo tile 23 nəgənkunben bangera Kodowari jamana cedenw ka



se la. O kera tine gelen ye min kera i ko jisuma Malidenw kan, k'o sababu bo ntolatan in yere kecogo la. Nin don, furancé jan tun be Kodowari jamana ka fəlo ntolatancogo in n'a bilamata ce. Malisamatasęę cedenw ye nəgənkunben damine ni dusuni barika ye. Wuliko fəlo be sanga duuru səro tuma min, o galabu kəneya kera penalti kelen səroli sababu ye. Samatasęę ceden Gawusu Jalo ye ntola comi k'i kunda Kodowari celu kan. Celu masurunya la jo kəbsila ye Gawusu jalo dasi ka bin. O fili kera penalti ye, an ka ceden Modibo Sidibe ye min kerun kojuman Kodowari celu kono. Mali ka kuru in donni nisondiyako te se fəla, k'a ta fere kənona la, fo faaba bələnw fe, nisondiya-kulew bora fan bęe.

Sanga damado, Mali ka kuru fəlo donneñ kə, Kodowari jamana cedenwaane Bagayoko ye Mali celu yaara. Kabini o kera, samatasęę cedenw galabu

fagara, k'u fiyeku. Maloba nəsiran ye samatasęę cedenw jawuli. Yanni u ka u yere səro, Kodowari jamana nan'a ka kuru dafa fila la. Nəgənkunben wulikofilan, Mamadu Keyita ye ceden Abdulayi Keyita ni Fakoli nənabilä ni cedenw Magasuba ni Seyiba Lamine ye. O ma mako nə. Pate Jalo n'a tənəgənōn ye daga sigi Kodowari jamana cedenw da la, ka wəsiji-kəne tige fan bęe. Kuru wəre ma səro.

Februyekalo nəgənkunben sanga 90 foorila Kodowari jamana ka kuru fila kan, Samatasęę

cedenw mənə-mənəra, nka u se dan kera kuru kelen ye. 1998 san kupuba nebila ntolatanw kadara kono, nin ye samatasęę cedenw binko fəlo ye. Tile fəlo, u ye Benen jamana cedenw buga kuru fila nikelen. Tile filanan na, u ye Alizeri jamana cedenw dəre kuru kelen ni fu. Tile saba nəgənkunben ntolatanw kofe, kuru 6 be samatasęę cedenw bolo, Kodowari jamana kuru 6, Alizeri jamana kuru 4, ka Benen jamana ke labar ye. O ka səro kera kuru kelehpə ye. Nin lahalaya in koson, samatasęę cedenw ka binni ma ke kasaara ye fəlo min be se ka Wagadugu Burukina faso faaba kəns lasoroli bila siga la, ntolatan to be kə. Benen jamana ka nəgənkunben komasegin be k'an yerefə yan, Kodowari jamana ni Alizeri jamana ka nəgənkunben komasegin be ke Kodowari. Hakili jigin siratęę la, Alizeri ye kuru 4 ke Kodowari la kunfəlo senfə. Ni Samatasęę kəroba be wagadugu-sira kan,



JEKABAARA

1997 san - Mariskalo

samatasege ncinin cedenw minni ji sigilen don Bosuwanam jamana kono a togola Afriki kupukene laban kan. O kera nisondiyako balalen ye Mali ntolatan kanubagaw bolo. Kunna foni siratoge la, samatasage ncinin cedenw ka kupuba nebila ntolantan kadara kono, u ni Benen jamana denmisew ye nogon dere an yere fe yan. O nogonkunben foorila an ka



Nininkaliw

- Mogo fila. Folo ye filanan den fa ye. Jonw don
 - Nogondan be sobolila fila ni nogon ce. Bee n'i ka so. Nka so, min folo mana se o te ladiyalifen soro. So min sera kofe, o de b'a soro. O be ke cogodi walasa soboli ka ke dakabanbanboli ye ?
 - Den saba be Ali ba bolo. Folotogo ye ko dorum, filanan togo ye ko dorum fila. Sabanan togo ye ko di ?
 - Dingeba do be yen. Ce do b'a kono. Da saba be dingea la. Waraba be da folo la. N'i bora yense, wara b'idun. Saw be da filanan na. n'i bora yense, saw b'i cin k'i faga. Dimogow be da sabanan na. N'i bora yense, dimogokelen mana maga i la doren i be sa. Ce be mun ke walasa ka bo?
- (Jaabi be boko nata kono...)

Burama Sidibe CAR Sirakorla - Kulikoro

Fili seegin be Banu ka negen fila ninnu ni nogon ce, aw y'u nini (jaabi be boko nata kono)



kuru 2 ni kelen kan. Samatasage ncinin ceden waane Teneman Njai n'a tonogonwyekunnawolosoro o sen fe.

Don nataw ka kan ka kesiri ni laben waati ye an ka cedenw'n'udegelibagaw bolo, walasa koba kana bange jigiwaaro la. Mali ntolatan kanubagaw ni wasa ka kan nin waati la. Ni kunu, an tun te se ka sebagaya soroli jigiya minen sigi, bi o dagalen b'an ye, bawo ceden waanew dusumaw b'an bolokoro, wa senkoromadonnantanya t'an na fana; ka d'a kan, ntolatan fereba ma lankolonya cebu nafama si kedon.

Bakari Sangare

Jekabaara

Lablikuntigi
Tuman Yalam Sidibe
Sebennekulukuntigi
Tuman Yalam Sidibe
Sebennekulu
Bakari Sangare
Amadu Gani Kante
Bakari Kulubali
Negenw kebaga
Nuhun Madani Tarawele
ko Banun
Baarakenegro
MAKOCI, SNV, OCED
Hakebota:
11 000

CMDT mogo minnu ye
sebenni ke boko in kono
Madu Yusuf Sise
Dawuda N. Dawa
Adama Tarawele
Mamadu Jalo
Yusuf Jime Sidibe
Siyaka Jara
Nanpi Sanogo
Drisa Jalo